

sua salaria dari jusserit (quae illi hactenus reddita fuisse negant) eo sint contenti; et dicam Regiam e bonis suis administrent.

§. 2. Si vero salarium eis non reddetur; extunc dica bonorum suorum eis cedat: cum illa vix centum florenos in toto facere dicatur.

Judicia in Eperies et Posenii Civitatibus celebrentur.

A r t i c u l u s 16.

§. 4. In Sclavonia, similiter bis in anno, in Civitate Montis Graecensis judicia celebrentur, semel in festo Epiphaniae Domini et secundo in festo Beati Jacobi Apostoli.

§. 5. Et singulorum judiciorum termini, tam in Ungaria, quam Sclavonia, durent diebus quadraginta, exceptis festis.

Locumtenens, adinstar aliorum Judicum Ordinariorum, per suum Proto-Notarium, omnes causas deinceps adjudicet: Praeter causas inter Regem et Regnicolas, ac defectus seminis et Regni Sclavoniae transmissionis.

A r t i c u l u s 18.

§. 1. Deinceps omnes causas, etiam ratione haereditatis quorumlibet bonorum et jurium possessionariorum, instar aliorum Judicum Ordinariorum (demptis causis inter Regem et Regnicolas motis, quae judicio Palatinali subjectae sunt: Item causis defectus seminis et Transmissionibus, ex Regnis Sclavoniae et Croatiae, quas Dominus Judex Curiae, etiam in termino octavarum Locumtenentiae, ex Decreto Regni adjudicare debet) tempore generalium judiciorum, quorumlibet terminorum, in Sede Judiciaria Majestatis Suae adjudicare possit.

Tricesima, a rebus et allodiatura Nobilium et Dominorum nulla exigatur.

A r t i c u l u s 25.

Ut Tricesimatorum insolentia ubique, tam in Ungaria, quam Sclavonia compe-
scatur, Majestas Sua Caesarea dignetur clementer efficere; ut contra antiquam et
peculiarem Nobilitatis libertatem et praerogativam etiam de iis, quae ad usum
domesticum emuntur, violenter Tricesimam exigunt.

MAXIMILIANI IMPER. & REGIS DECRETUM VII. ANNI 1575.

Kaproncza Arcis munitio.

A r t i c u l u s 15.

De munitione Arcis Kaproncza, nuncii Regni Sclavoniae referunt, se ad Gene-
ralem Statuum illius Regni Congregationem: In qua, cum Commissarii Majestatis
quoque Caesareae affuturi sint; cum eis tractabunt et quod pro rei et virium sua-
rum qualitate fieri poterit, obedienter praestabunt.